ЎЗБЕКИСТОН РЕСПУБЛИКАСИ НОМИДАН ХАЛ ҚИЛУВ ҚАРОРИ

Марғилон шахри

2024 йил 18 октябрь

4-1504-2401/2617-сонли иш

Марғилон туманлараро иқтисодий судининг судьяси А.Акбаров раислигида, судья ёрдамчиси С.Шавкатовнинг суд мажлиси котиблигида, даъвогар вакили М.Орифжонов (ишончнома асосида) ва жавобгар вакили М.Жўраев (ишончнома асосида) иштирокида, Ўзбекистон Савдо саноат палатаси Фарғона вилоят худудий бошқармасининг даъвогар "POSCO International Textile" МЧЖ манфаатида жавобгар "Far qum qishloq" фермер хўжалигидан 17 095 587 сўм тўғрисидаги даъво аризаси бўйича қўзғатилган иқтисодий ишни суд ўз биносида очиқ суд мажлисида, видеоконференцалоқа режими кўриб чиқиб, қуйидагиларни

АНИКЛАДИ:

Ўзбекистон Савдо саноат палатаси Фарғона вилоят ҳудудий бошқармаси палата аъзоси даъвогар "POSCO International Textile» МЧЖ (бундан буён матнда — даъвогар деб юритилади) манфаатида судга даъво аризаси билан мурожаат қилиб, жавобгар "Far qum qishloq" фермер ҳўжалиги (бундан буён матнда — жавогар деб юритилади)дан 17 095 587 сўм ундиришни сўраган.

Суд мажлисида даъвогар вакили тушунтириш бериб, даъвони қаноатлантиришни сўради.

Суд мажлисида жавобгар вакили тушунтириш бериб, қонуний қарор қабул қилишни сўради.

Суд даъвогар ва жавобар вакиллари кўрсатмасини тинглаб, судга тақдим этилган ва ишдаги мавжуд хужжатларини ўрганиб, куйидаги асосларга кўра даъвони қаноатлантиришни, суд харажатларини жавобгардан ундиришни лозим топади.

Ўзбекистон Республикаси Фуқаролик кодекси (бундан буён матнда — Фуқаролик кодекс)нинг 236-моддасига кўра, мажбуриятлар мажбурият шартларига ва конун хужжатлари талабларига мувофик лозим даражада бажарилиши керак.

Мазкур ҳолатда, томонлар ўртасидаги мажбурият шартномадан келиб чиққан.

Фукаролик кодексининг 437-моддасида, махсулот етказиб бериш шартномасига мувофик, тадбиркорлик фаолияти билан шуғулланаётган махсулот етказиб берувчи - сотувчи шартлашилган муддатда ёки муддатларда ўзи ишлаб чиқарадиган ёхуд сотиб оладиган товарларни сотиб олувчига тадбиркорлик фаолиятида фойдаланиш учун ёки шахсий, оилавий максадларда, рўзғорда ва шунга ўхшаш бошқа мақсадларда фойдаланиш билан боғлиқ бўлмаган бошқа мақсадларда фойдаланиш учун топшириш, сотиб олувчи эса, товарларни қабул қилиш ва уларнинг ҳақини тўлаш мажбуриятини олади.

Фуқаролик кодексининг 357-моддасига мувофик, шартнома тузилган пайтидан бошлаб кучга киради ва тарафлар учун мажбурий бўлиб қолади.

Иш хужжатларига кўра, тарафлар ўртасида 2023 йил 1 ноябрда 44-сонли пахта хом ашёси ва уруғлик пахтани етказиб бериш ҳамда харид қилиш бўйича фьючерс шартномаси тузилган. Ушбу шартнома бўйича жавобгарнинг даъвогар олдида 17 095 587 сўм қарздорлик вужудга келган.

Бундан ташқари тарафлар ўртасида 2024 йил 6 май ҳолатига солиштирма далолатнома тузилиб, унга кўра жавобгарнинг даъвогар олдида 17 095 587 сўм қарздорлиги мавжудлиги белгиланган.

Ушбу қарздорлик суммаси даъвогар ва жавобгар ўртасидаги шартнома, тарафлар томонидан тасдиқланган солиштирма-далолатнома, ишдаги хужжатлар ҳамда даъвогар вакилининг суд мажлисидаги кўргазмаси билан ўз тасдиғини топади.

Бу холатда суд, даъво талабини каноатлантиришни лозим топади.

Иқтисодий процессуал кодекси 118-моддасининг иккинчи қисмига кўра, ҳал қилув қарори ўз фойдасига чиқарилган тарафга иш бўйича қилинган барча суд ҳаражатларининг ўрни, бошқа тараф ҳисобидан қопланади.

Баён этилганларга кўра суд, даъвони тўлик каноатлантиришни, даъвогар фойдасига жавобгардан 17 095 587 сўм асосий қарз ва 34000 почта харажати шунингдек жавобгардан зиммасига республика бюджетига ундиришни, 341 911,74 божи фойдасига 85000 сўм давлат ва Олий суд видеоконференцалока харажатини ундиришни лозим топиб, Ўзбекистон Республикаси Иктисодий процессуал кодексининг 118, 176-180, 186 ва 259моддаларини қўллаб,

КАРОР КИЛДИ:

Даъво тўлик қаноатлантирилсин.

Даъвогар "POSCO International Textile" МЧЖ фойдасига, жавобгар "Far qum qishloq" фермер хўжалигидан 17 095 587 сўм асосий қарз ва 34000 сўм почта харажати ундирилсин.

Жавобгар "Ozodbek" фермер хўжалигидан ишни кўриш билан боғлиқ 341 911,74 сўм давлат божи республика бюджетига ва Олий суд фойдасига 85000 сўм видеоконференцалока харажатини ундирилсин.

Ишда иштирок этувчи тарафлар қонунда белгиланган тартибда мазкур ҳал қилув қарори устидан апелляция шикояти (протест келтириш) беришга ҳақли.

Раислик қилувчи, судья

А.А.Акбаров

